

## Bases

1 Poden tomar parte no concurso os alumnos de Educación Infantil, Primaria, Secundaria, Especial, Bacharelato e Formación Profesional de calquera centro escolar de Galicia, Escolas Obradoiro e Asociacións Medioambientais.

2 A participación será por equipos, baixo a dirección dun ou varios profesores ou educadores. Dadas as características do concurso, considérase fundamental a colaboración de toda a comunidade escolar, mesmo cando a realización concreta do proxecto recaia sobre un equipo de profesores e se centre nun nivel determinado ou nun grupo de alumnos.

3 Cada equipo participante implicarase no deseño, execución e seguimento dun proxecto bioambiental que deberá desenvolverse no centro educativo ou no municipio onde estea ubicado.

## Proxecto de actuación

4 A solicitude de participación realizarase utilizando o formulario Proxecto de Actuación. Nel facilitaranse os datos relativos ao centro escolar, nome do director, responsable do proxecto e lista de colaboradores, plan detallado de acción, calendario de actividades, relación de necesidades materiais, orzamento de actuación e permisos correspondentes.

Deberá remitirse orixinal e fotocopia do formulario ao enderezo de Voz Natura, Fundación Santiago Rey Fernández-Latorre, Avenida da Prensa, 84-85, Polígono Industrial de Sabón, 15142, Arteixo, A Coruña, antes do próximo 31 de marzo.

## Aprobación de proxectos

5 Un Comité Científico –integrado por destacados persoeiros do mundo da ciencia, a educación e a comunicación– seleccionará os proxectos en función da orixinalidade dos mesmos, o seu interese, participación da comunidade educativa e viabilidade. Examinará cada un e poderá formular cantas observacións considere oportunas, que deberán ser incorporadas ao proxecto definitivo. Teranse en conta os informes do claustro de profesores e do consello escolar do centro.

6 O Comité Científico cualificará os proxectos de 0 a 10 puntos, de acordo co seu nivel técnico científico e a súa cuantificación económica. Por cada punto outorgado, Voz Natura financiará un 10% do traballo que se pretende realizar. Valoraranse especialmente aquelas propostas de acción directa sobre o medio, como recuperación de zonas degradadas, limpeza de ríos, plantación de árbores, eliminación de vertedoiros incontrolados, rehabilitación de fontes, etc.

7 **Voz Natura e Sogama, queren sensibilizar e concienciar a toda a poboación, da importancia da recollida selectiva, da redución, reutilización, reciclaxe e recuperación dos residuos. Por iso, nesta edición, valoraranse especialmente os proxectos orientados a este tipo de actividades.**

8 No mes de xuño, Voz Natura fará públicos en La Voz de Galicia os proxectos aprobados e porase en contacto cos equipos seleccionados para comunicarlles a avaliación do Comité Científico e o financiamento concedido pola Corporación Voz de Galicia, así como para solicitarlles a relación definitiva e completa do material necesario para a realización dos proxectos.

9 Ningún centro escolar poderá comprometer gastos a cargo do financiamento da Corporación Voz de Galicia antes de remitir a Voz Natura a citada relación de material e ser autorizado expresamente por escrito para realizar contratacións por un importe determinado. Nesta autorización hase especificar o procedemento para a realización das compras dos materiais solicitados. En ningún caso a axuda da Corporación Voz de Galicia se fará en metálico.

10 Co fin de garantir a realización dos proxectos, a dirección de cada centro asumirá, en última instancia, a súa total execución.

## Desenvolvemento de actividades

11 O desenvolvemento dos proxectos comenará co inicio do curso escolar 2007-2008. A efectos de valoración final do concurso, os centros deberán remitir a Voz Natura a memoria do proxecto realizado antes do 30 de abril do 2008.

12 Un comité de seguimento avaliará a actuación de cada equipo e informará ao Comité Científico sobre o desenvolvemento dos traballos e os resultados obtidos. Estes informes hanse ter en conta á hora de proceder á distribución dos premios cos que está dotado o concurso e dos que se informará oportunamente.

13 O proxecto aprobado de forma definitiva non poderá ser modificado parcial nin totalmente sen a correspondente autorización da dirección de Voz Natura.

14 Todos os equipos e centros representados no concurso recibirán un certificado de participación. Aqueles centros que, ao xuízo do Comité Científico, desenvólvense os proxectos de maior interese, recibirán uns premios que serán entregados nun acto público.

## Disposición final

15 A participación no concurso Voz Natura supón a aceptación total das súas bases. As decisións do Comité Científico e a decisión do xurado cualificador dos traballos son inapelables.